

**«Коми му» газет редакцияö шыөдчис Көрткерөс районуысь Алексей Петров да висьталіс, мый во сайын сылысь важиник мотоциклсö мырддьöмаöсь полицияын уджалысьяс, абу вөлöма сылөн правоыс ни мотоцикл вылö колана кабалаыс.**

**Алексей вештöма таысь ыджыд штраф, а мотоциклсö нуöмаöсь штрафстоянка вылö. Чайтöма Алексей, мый мынöма ставсьыс, өд мотоциклыс сылы оз нин вөлөм ков. Но неважөн воöма письмö, көні штрафстоянкаөн веськөдлысь корöма мынтыны сё сюрс сайö шайт, мотоциклыс пö пыр на сэні сулалö да.**

**Алексей юалö, збылысь-ö колö сылы мынтыны та мында сьöмсö.**

Вочавидзам. ГИБДД-ын уджалысьяс кө кутасны шоперөс гажа юрөн либö правотөг руль сайын пукалöмысь, то вермасны мырддьыны сылысь машинасö либö мотоциклсö.

Оланпас серти, полицейскöйяслы та дырйи медводз колö мыж вöчысьсö «отстранить от управления транспортным средством» и та бöрын гижны «протокол о задержании транспортного средства». Сэссия машинасö нуöны торъя стоянка вылö, көні уджалысьясыс виччысьöны, кор мортыс ваяс колана кабалаяс да бөр босьтас ассьыс машинасö.

Сэк жö сылы ковмас мынтыны машинасö (мотоциклсö) торъя автостоянка вылас вайö-мысь да сэні видзöмысь сьöм. Донсö урчитö Коми Республикаса тариф служба. Мотоцикл видзöмысь быд часысь колö вештыны 12 шайт 50 ур (НДС артышттөг) да 14 шайт 75 ур (НДС-нас). Сідз, мотоциклсö тöлысь видзöмысь ковмас мынтыны 10.620 шайт. Машина видзöмыс сувтас донаджык.

Кызди тыдовтчис, редакцияö шыөдчысь Алексей Петровлы воöма сідз шусяна «претензионной письмö», мед мыжа мортыс ачыс мынтіс сьöмсö. Оз кө, сылы судын нин ковмас дорйысьны. Унджыкысьсö суд тшöктö мынтыны сьöмсö.

Кызд аддзам, Алексейлы зэв нин уна «каттьöма» мотоциклсö штрафстоянкаын во чöж ви-дзöмысь сьöмыс. Ковмас, дерт, вештыны, но, чайта да, колö сылы шыödчывны юрист дорö, мед видзöдлас та кузя кабалаяссö да, гашкö, вермас мыйöнкö отсыштны мортислы, көть нин мед этшаджык ковмис вештыны сьöмсö.

А «Коми му» газет лыддысьяслы казътыштам, мый мырддисны кө нин тiянлысь машинатö полицейскöйяс, то кымын водзджык босьтанныд сiйöс штрафстоянкасьыс, сымын этшаджык сьöм ковмас мынтыны сэн видзöмсьыс.

**Вячеслав Попов.**